

Morlan – Canolfan Ffydd a Diwylliant  
*Morlan – Faith and Culture Centre*  
Morfa Mawr  
Aberystwyth  
Ceredigion  
SY23 2HH  
☎: 01970-617996  
✉: ymholiadau@morlan.org.uk



## **CYNLLUN ARGYFWNG AR GYFER Y RHEINY SY’N LLOGI CANOLFAN MORLAN**

### **HYSBYSIAD I’R LLOGWR**

Rhaid i bob un sy’n llogi Morlan benodi Person Penodol sy’n gyfrifol am y bobl sy’n mynychu’r digwyddiad ac am sicrhau eu bod yn gadael yr adeilad yn ddiogel yn ystod argyfwng.

A wnewch chi nodi’r canlynol os gwelwch yn dda.

- Mewn argyfwng tân bydd y cyflenwad golau argyfwng awtomatig yn goleuo arwyddion yr holl allanfeydd tân.
- Mae Bocs Cymorth Cyntaf ar gael yng nghegin y Bar Coffi. A wnewch chi hysbysu Rheolwr y Ganolfan am unrhyw ddamwain os gwelwch yn dda.
- Cynhelir ymchwiliad i amgylchiadau damwain ddifrifol, felly ni ddylid newid safle’r ddamwain mewn unrhyw fodd, heblaw am resymau diogelwch, nes bod personau cyfrifol yn awdurdodi hynny.

### **CYFRIFOLDEBAU’R PERSON PENODOL**

#### **Cyn y digwyddiad**

Rhaid i’r Person Penodol ymgyfarwyddo â threfniant y Ganolfan yn arbennig lleoliadau pwyntiau gweithredu’r larwm tân, yr allanfeydd tân a llwybrau dianc, offer ymladd tân a Swyddfa’r Rheolwr (ble lleolir y ffôn). Atodir cynllun.

Os bydd unrhyw bobl a adnabyddir fel pobl mewn perygl megis plant neu bobl ag anableddau yn bresennol yn y digwyddiad, dylai’r Person Penodol sicrhau trefniadau penodol ar gyfer cael y bobl hyn allan o’r adeilad yn ddiogel. Dylid hefyd gynllunio ar gyfer ymdrin â phobl unwaith iddynt adael yr adeilad yn dilyn argyfwng, yn enwedig plant.

Noder taw’r nifer mwyaf o bobl sy’n gallu bod yn bresennol yn y Ganolfan ar unrhyw adeg yw 250. Wrth i chi archebu lle, bydd Rheolwr y Ganolfan yn ystyried y digwyddiadau eraill fydd yn cymryd lle yn y Ganolfan yr un pryd a bydd yn gofyn i chi rhoi amcan o’r nifer mwyaf o bobl fydd yn mynychu eich digwyddiad chi. Cyfrifoldeb y Llogwr yw sicrhau na fydd mwy na’r nifer hwn yn mynychu’r digwyddiad.

#### **Yn ystod y digwyddiad**

Rhaid i’r Person Penodol sicrhau na roddir unrhyw ddodrefn na rhwystrau eraill mewn manau fydd yn atal pobl rhag cyrraedd yr allanfeydd tân a bod pob llwybr dianc yn aros yn glir o rwystrau a deunyddiau llosgadwy.

Ar ddechrau’r digwyddiad, dylai’r Person Penodol:

- cymryd cofrestr o bawb sy'n bresennol os yn bosibl neu, onid yw hynny'n bosibl neu'n ymarferol, dylai fod yn ymwybodol o nifer y bobl sy'n mynychu'r digwyddiad
- hysbysu pawb sy'n bresennol am:
  - y polisi dim ysmegu
  - y bobl sydd yng ngofal y digwyddiad a sut i'w hadnabod
  - lleoliad yr allanfeydd tân a'r llwybrau dianc a beth i wneud os digwydd argyfwng
  - beth fydd yn digwydd ar ôl hynny (e.e. o ran dod yn ôl mewn i'r adeilad).

Yn ystod y digwyddiad cyfrifoldeb y Person Penodol yw sicrhau:

- bod pawb yn dilyn y polisi dim ysmegu
- na chyneuir unrhyw fflamau noeth (oni bai bod caniatâd i wneud hynny, e.e. canhwyllau) ac, o gynnuau fflam noeth, nad oes unrhyw ddeunydd llosgadwy gerllaw
- nad yw lefelau sŵn yn codi'n rhy uchel fel na fyddai modd clywed y larwm tân.

Mae'n rhaid i Reolwr y Ganolfan, y frigâd dân, yr heddlu, ac ati, cael rhwydd hynt i fynd i bob rhan o'r adeilad yn ystod y cyfnod llogi, a disgwylir i'r Llogwr gydymffurfio yn ddi-gwestiwn gydag unrhyw gyfarwyddyd a roddir iddo.

### **Os digwydd argyfwng**

O ddarganfod tân, gweld mwg neu glywed arogl llosgi, rhaid i'r Person Penodol seinio'r larwm trwy wasgu'r pwynt agosaf i weithredu'r larwm tân.

Tra bod y larwm yn seinio, rhaid i'r Person Penodol sicrhau bod pawb sy'n mynychu'r digwyddiad yn gadael yr adeilad mewn modd digynnwrf a threfnus, trwy'r llwybr dianc agosaf, gan gymryd dim ond yr eitemau personol sydd wrth law.

Rhaid i'r Person Penodol alw'r frigâd dân ar 999 a rhoi'r cyfeiriad canlynol:

CANOLFAN MORLAN  
MORFA MAWR (neu Queens Road), ABERYSTWYTH  
SY23 2HH

Yn ystod oriau swyddfa, os yw Rheolwr y Ganolfan yn bresennol, gallwch ddefnyddio ffôn y Ganolfan, neu ofyn i'r Rheolwr alw'r frigâd dân.

Gallwch geisio diffodd y tân gan ddefnyddio diffoddydd priodol, ond ni ddylid AR UNRHYW ADEG rhoi bywyd unrhyw un mewn perygl. Rhaid rhoi blaenoriaeth i gael pawb allan o'r adeilad.

Dylai pobl ymgasglu yn y maes parcio, yn ddigon pell o'r adeilad, a dylai'r Person Penodol wirio y gellir rhoi cyfrif am bawb sydd yn ei ofal.

Wrth i'r gwasanaethau brys gyrraedd, dylai'r Person Penodol a/neu Reolwr y Ganolfan gyflwyno eu hunain iddynt a'u hysbysu o natur yr alwad ac unrhyw fanylion perthnasol eraill. Dylai'r Person Penodol sicrhau na rwystrir y gwasanaethau brys mewn unrhyw ffordd, ac nad yw unrhyw berson yn ei ofal yn dychwelyd i'r adeilad hyd nes i'r gwasanaethau brys awdurdodi hynny.

Os yw'r argyfwng yn digwydd y tu allan i oriau swyddfa, a wnewch chi gysylltu â Carol Jenkins, Rheolwr Morlan ar 01970-820613 neu 07900-520073, neu Alun Morris ar 01970-623464. Byddan nhw yn gallu darparu unrhyw wybodaeth ychwanegol angenrheidiol sydd ei hangen.

Bydd y Llogwr yn gorfod digolledu Morlan os nad yw'n cydymffurfio â'r rheolau hyn.

**MAE LLOFNOD Y LLOGWR AR Y FFURFLEN ARCHEBU LLE YN ARWYDD O GYDSYNIAD BOD Y  
CYFRIFOLDEBAU HYN WEDI'U DERBYN**